



Broj: 0101 - 6087-8/17  
Sarajevo, 01. 11. 2017. godine

Na osnovu člana 64. stav 1. tačka (b), člana 70. stav 1,3 i 6 i člana 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, rješavajući po žalbi ponuđača „JP BH POŠTA“ d.o.o. Sarajevo, Obala Kulina bana 8, 71000 Sarajevo, broj: 01-13.73-15657-20 od 27.10.2017. godine, izjavljenoj protiv Odluke o izboru najpovoljnijeg ponuđača, broj: 0101 - 6087-6/17 od 18.10.2017. godine na preporuku Komisije za javne nabavke 0101-6087-7/17 od 30.10.2017. godine, rektor je donio:

## ODLUKU

### Član 1.

Prihvata se žalba ponuđača „JP BH POŠTA“ d.o.o. Sarajevo, Obala Kulina bana 8, 71000 Sarajevo, broj: 01-13.73-15657-20 od 27.10.2017. godine, izjavljena na Odluku o izboru najpovoljnijeg ponuđača i dodjeli Ugovora broj: 0101 - 6087-6/17 od 18.10.2017. godine u dijelu koji se odnosi na dostavljanje potpisanog i ovjerenog Nacrta Okvirnog sporazuma u koji je potrebno unijeti sve podatke iz ponude.

### Član 2.

U skladu sa stavom 1. ove Odluke, po konkurentskom zahtjevu za dostavu ponuda za nabavku usluge – Usluga brze pošte, dodjeljuje se ugovor za nabavku usluge brze pošte ponuđaču „JP BH POŠTA“ d.o.o. Sarajevo, Obala Kulina bana 8, 71000 Sarajevo, kao drugorangiranom ponuđaču sa ponudom broj: 01-13.73-15657-5/17 od 13.10.2017. godine za ponuđenu cijenu 6.540,00 KM (usluga oslobođena PDV-a).

### Član 3.

Stavlja se van snage Odluka o izboru najpovoljnijeg ponuđača i dodjeli Ugovora broj: 0101 - 6087-6/17 od 18.10.2017. po konkurentskom zahtjevu za dostavu ponuda, broj: 0101 - 6087-3/17 od 06.10.2017.godine.

### Član 4.

Prijedlog Ugovora o nabavci dostavit će se na potpis izabranom ponuđaču „JP BH POŠTA“ d.o.o. Sarajevo, Obala Kulina bana 8, 71000 Sarajevo po proteku roka od 5 dana, računajući od dana kad svi ponuđači budu pismeno obavješteni o izboru najpovoljnije ponude.

### Član 5.

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

## Obrazloženje

Na osnovu Odluke o pokretanju postupka javne nabavke broj: 0101-6087-1/17 od 06. 10. 2017. godine, Univerzitet u Sarajevu je pokrenuo postupak javne nabavke – usluge brze pošte.

Za provođenje postupka predmetne javne nabavke, Odlukom broj: 0101-6087-2/17 od 06. 10. 2017. godine, imenovana je Komisija za javnu nabavku u sastavu: Mirza Mehaković, predsjedavajući, Zehra Drkenda, član, Salhudin Gadžo, član, a za zamjenske članove su imenovani: Dijana Smajlović, Berina Smajlović, Jasmina Isović.

Poziv za dostavu ponuda objavljen je na stranici Agencije za javne nabavke 06.10.2017. godine. Komisija za javnu nabavku je dana 06.10.2017. godine uputila Poziv za dostavljanje ponuda slijedećim ponuđačima:

1. DHL International d.o.o. Sarajevo, Džemala Bijedića 166a, 71 000 Sarajevo
2. IN TIME, Braće Baljić 1A, 71 000 Sarajevo
3. RHEA EXPRESS d.o.o., Braće Mulić 48, 71000 Sarajevo

U periodu koji je ostavljen za dostavljanje ponuda, nije bilo zahtjeva za pojašnjenjem Poziva za dostavu ponuda.

Iz Zapisnika Komisije za javnu nabavku je vidljivo da je dana 16. 10. 2017. godine u 10,15 sati Komisija za javnu nabavku izvršila javno otvaranje blagovremeno prispjelih ponuda ponuđača DHL International d.o.o. Sarajevo, Džemala Bijedića 166A 71000 Sarajevo, HRVATSKA POŠTA d.o.o. Mostar, Tvrtka Miloša bb, 88000 Mostar, IN TIME d.o.o. Sarajevo, Braće Baljić 1A, 71000 Sarajevo, JP BH POŠTA d.o.o. Sarajevo, Obala Kulina bana 8, 71000 Sarajevo.

Iz Zapisnika Komisije za javnu nabavku je vidljivo da se Komisija sastala dana 17.10.2017. godine, radi pregleda i ocjene ponuda, odnosno da bi utvrdila da li su ponuđači ispunili uslove iz Poziva za dostavu ponuda.

Komisija za javnu nabavku je utvrdila da je ponuđač IN TIME d.o.o. Sarajevo, Braće Baljić 1A 71000 Sarajevo u svrhu dokazivanja profesionalne sposobnosti dostavio ovjerenu kopiju Aktuelnog izvoda iz sudskog registra br. 065-0-RegZ-17-004406, izdatu od Općinskog suda u Sarajevu, 05.06.2017. godine.

Obzirom da je tačkom 13.2. tenderske dokumentacije, utvrđeno je da se dokaz o ispunjavanju profesionalne djelatnosti dostavlja kao **ovjerena kopija originala**, s tim da **datum izdavanja originala ne može biti stariji od tri mjeseca** računajući od dana dostavljanja ponude (pod danom dostavljanja ponude smatra se dan/datum, koji je Ugovorni organ, odredio u tenderskoj dokumentaciji kao dan/datum za prijem ponuda), Komisija je konstatovala da ponuđač IN TIME d.o.o. Sarajevo, Braće Baljić 1A 71000 Sarajevo, nije dostavio validne zahtjevane dokaze o ispunjavanju profesionalne sposobnosti.

Komisija je utvrdila da je ponuđač IN TIME d.o.o. Sarajevo dostavio OBRAZAC ZA PONUDU- (PRILOG I), OBRAZAC ZA CIJENU PONUDE (PRILOG II), SPISAK POVJERLJIVIH INFORMACIJA (PRILOG X) i IZJAVA PONUĐAČA (PRILOG XI) potpisani od strane predstavnika ponuđača Resić Elme, bez dostavljene punomoći/ovlaštenja za potpisivanje akata u ponudi. Obzirom da je u dostavljenom Aktuelnom izvodu iz sudskog registra lice ovlašteno za zastupanje subjekta upisa Ramović Almir, bilo je nužno u ponudi dostaviti punomoć/ovlaštenje od strane ovlaštenog lica ponuđača kojim se daje ovlaštenje predstavniku ponuđača da potpiše navedene dokumente.

Komisija za javnu nabavku je konstatovala da su u predmetnom postupku javne nabavke **primljene (3) tri prihvatljive ponude**, te da je cijena ponude ponuđača DHL International Sarajevo d.o.o. za više od 50 % niža od prosječne cijene preostalih prihvatljivih ponuda.

S tim u vezi Komisija za javnu nabavku je od ponuđača DHL INTERNATIONAL d.o.o. Sarajevo, Džemala Bijedića 166A, 71000 Sarajevo, dana 18.10.2017. godine pismenim putem zahtijevala obrazloženje ponuđene cijene u ponudi broj: 04-58/1, u skladu sa članom 66. stav (1) Zakona o javnim nabavkama (Službeni glasnik BiH 39/14) i Upustvom za pripremu modela tenderske dokumentacije, član 17. stav (7) (Službeni glasnik BiH 90/14).

Ponuđač DHL International d.o.o. Sarajevo je dana 18.10.2017. godine dostavio pismeno obrazloženje ponuđene cijene u kojem je naveo da je DHL INTERNATIONAL d.o.o. Sarajevo dio integralne DHL-ove svjetske mreže sa svim pravima i mogućnostima koje stoje na raspolaganju svim DHL kompanijama u preko 220 zemalja. Kao takav DHL u Bosni i Hercegovini ima pristup najvećoj logističkoj mreži na svijetu, koja između ostalog ima u svojoj floti nekoliko stotina aviona koji su na raspolaganju za potrebe DHL – ovih klijenata. Osim toga, DHL International d.o.o. Sarajevo iznajmljuje avion koji svaki radni dan preuzima pošiljke DHL-ovih klijenata. Obzirom da avion isključivo i samo prevozi robu klijenata DHL-a, ponuđač smatra da su u mogućnosti ponuditi cijene koje su za njih ekonomski opravdane, Kako je trošak iznajmljivanja aviona fiksiran po jednom obavljenom letu, pravilo rentabilnosti im nalaže da maksimalno iskoriste kapacitet, kako bi trošak po kilogramu bilo koje robe bio što niži. S tim u vezi, ponuđač smatra da su u mogućnosti odobriti popuste i smanjiti operativni trošak po pojedinoj pošiljci za klijente koji šalju poštu putem DHL-a, veći broj pošiljki. Nadalje, ponuđač potvrđuje da će dostavljene cijene u ponudi kao takve biti izražene na fakturi prema Univerzitetu u Sarajevu.

Nakon analize dostavljenog objašnjenja ponuđene cijene, Komisija za javne nabavke je ocijenila da je ponuđač DHL International d.o.o, Sarajevo, u skladu sa zahtjevima iz Tenderske dokumentacije, dostavio osnovano zadovoljavajuće objašnjenje ponuđene cijene na osnovu kojeg je Komisija za nabavke ocijenila da će ponuđač biti u mogućnosti izvršiti predmetnu uslugu po ponuđenoj cijeni.

Komisija je također utvrdila da nakon izvršene računске kontrole ponuda, ponuđača DHL International d.o.o. Sarajevo, JP BH POŠTA d.o.o. Sarajevo i HRVATSKA POŠTA d.o.o. Mostar, nije bilo računskih grešaka, odnosno da su ponude ponuđača računski tačne. Komisija za javnu nabavku je sačinila rangiranje prihvatljivih ponuda prema kriterijumu najniža cijena

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	DHL INTERNATIONAL d.o.o. Sarajevo, Džemala Bijedića 166A, 71000 Sarajevo	0,00 KM	2.783,00 bez PDV-a Popust 0,00 KM 2.783,00 bez PDV-om PDV=0,00KM 2.783,00 KM sa PDV-om
2.	JP BH POŠTA d.o.o. Sarajevo, Obala Kulina bana 8, 71000 Sarajevo	0,00 KM	6.540,00 bez PDV-a Popust 0,00 KM 6.540,00 PDV-om PDV=0,00KM 6.540,00 KM PDV-om

3.	HRVATSKA POŠTA d.o.o. Mostar, Tvrtka Miloša bb, 88000 Mostar	2.466,20 KM	12.331,00 bez PDV-a Popust:2.466,20 KM 9.864,80 KM sa popustom bez PDV-om PDV= 0,00KM 9.864,80KM sa popustom i PDV-om
----	--	-------------	---

Komisija za javnu nabavku je dala preporuku rektoru da donese odluku o izboru i dodijeli ugovor o javnoj nabavci usluge-**usluge brze pošte**, ponuđaču DHL International d.o.o. Sarajevo, Džemala Bijedića 166A, 71000 Sarajevo, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od 2.783,00 KM bez PDV-a (slovima: dvijehiljadesedamstotinaosamdesettri KM i 00/100) - usluga oslobođenja PDV-a u skladu sa čl. 27 stav (1). Zakona o porezu na dodanu vrijednost (Službeni glasnik BiH br 9/05, 35/05, i 100/08)

Dana 23.10.2017. godine Ugovornom organu elektronskim putem dostavljen je zahtjev za uvid u ponude od strane ponuđača JP BH POŠTA d.o.o. Sarajevo, Obala Kulina bana 8, 71000 Sarajevo. Uvidu u ponude ispred ponuđača su uz ovjereno i potpisano ovlaštenje broj: 01-13.73-15657-5/17 dana 24.10.2017. godine pristupili Amina Malkić i Nedim Džafić.

Ugovornom organu je dana 27.10.2017. godine putem protokola dostavljena Žalba broj: 01-13.73-15657-20/17. Ugovorni organ je utvrdio da je žalba blagovremena, dopuštena i izjavljena od ovlaštenog lica.

U Žalbi ponuđač JP BH POŠTA d.o.o. Sarajevo, Obala Kulina bana 8, 71000 Sarajevo navodi sljedeće:

*Ponuđač DHL International d.o.o. Sarajevo je na strani 4 od 36 vremenski ograničio Ugovorni organ i svojevrijem mijenjao uslove postavljene u tenderskoj dokumentaciji na način da je postavio uslov da se pošiljke predaju DHL-u u Sarajevu od ponedjeljka do petka u terminu do 15:30h i da u radne dane ne ulaze dani vikenda, praznici, a što je prema navodima žalitelja u suprotnosti sa tačkom 11. TD „Mjesto izvršenja usluge Univerzitet u Sarajevu“ i tačkom 12. TD „ponuđač je dužan da izvrši dostavljanje pošiljki u roku od 3 do 5 radnih dana od dana preuzimanja pošiljke od ugovornog organa“*

Ugovorni organ smatra:

Tenderskom dokumentacijom odnosno članovima 11. i 12. TD nije određeno u kojem vremenskom periodu ponuđači mogu preuzimati pošiljke već se u navedenim tačkama od ponuđača zahtijeva da se pošiljke preuzimaju isključivo na adresi Ugovornog organa, Obala Kulina bana 7/II i da je vrijeme isporuke 3 do 5 radnih dana. Na strani 5 od 36 ponuđač DHL International d.o.o. Sarajevo je dostavio navod pod stavkom „TRANZITNO VRIJEME“ da se pošiljke dostavljaju od 1 do 3 radna dana za evropske i neevropske destinacije što je u skladu sa traženim uslovom iz Tenderske dokumentacije. Pored ovoga, svi ovi navodi su sastavni dio dokumenta ponuđača DHL International d.o.o. Sarajevo pod nazivom „OPIS USLUGA KOJE SU PREDMET PONUDE“, a koji nije zahtijevan tenderskom dokumentacijom. Ponuđač DHL International d.o.o. Sarajevo je u sklopu svoje ponude dostavio Izjavu –PRILOG VII ovjerenu i potpisanu od strane ovlaštenog lica kojom potvrđuje da su im poznati svi opšti i posebni uslovi iz tenderske dokumentacije te da će u slučaju da njihova ponuda bude prihvaćena kao najpovoljnija, predmet nabavke izvršiti u skladu sa tim odredbama i za cijenu navedenu u njihovoj ponudi. S toga ugovorni organ smatra da je navod žalitelja kojim se Ugovoni organ ograničava od strane ponuđača DHL International d.o.o. neosnovan.

*U drugom navodu u predmetnoj žalbi žalitelj JP BH POŠTA d.o.o. Sarajevo smatra da je ponuđač DHL International Sarajevo d.o.o. u svojoj ponudi na strani 25 od 36 dostavio dokument „Uvjeti za korištenje licence za obavljanje kurirskih usluga“ koji nije ovjeren, niti potpisan, a posebno što je naprijed navedeni dokument predviđen i materijalnim zakonom, na način kako je traženo tenderskom dokumentacijom 13.2 Sposobnost za obavljanje profesionalne djelatnosti, „Dokaz se dostavlja kao ovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude...u slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46.zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju“ a što Ugovorni organ prema navodima žalitelja nije učinio.*

Ugovorni organ smatra:

Članom 13.2. tenderske dokumentacije je traženo da ponuđači dostave „DOKAZ O REGISTRACIJI u profesionalnim i drugim registrima zemlje u kojoj su registrirani.....“ Kao dokaz za ponuđače iz Bosne i Hercegovine je tražen Aktuelni izvod iz sudskog registra ili izjavu/potvrdu nadležnog organa iz kojeg se vidi da je ponuđač registrovan za obavljanje djelatnosti koja je predmet nabavke“ Ponuđač DHL International Sarajevo d.o.o. je dostavio Aktuelni izvod iz sudskog registra od 03.10.2017. godine ovjeren (svi listovi) od strane nadležnog organa 10.10.2017. godine.

Tenderskom dokumentacijom u tački 13.4. „Tehnička i profesionalna sposobnost“ je traženo da ponuđač dostavi dokument kojim se dokazuje registracija/ovlaštenje/dozvola za obavljanje kurirskih poslova, dakle poslova koji su predmet nabavke, izdata od nadležnog organa. Ponuđač DHL International d.o.o. Sarajevo je dostavio na strani 23 od 36 RJEŠENJE broj: 01-03-2-29-1-UP-9-8/17 od 07.09.2017. godine, ovjereno od strane nadležnog organa 13.10.2017. godine, kojim se daje odobrenje ponuđaču DHL International d.o.o. Sarajevo za obavljanje kurirskih usluga na razdoblje od 4 (četiri) godine. Dokument „Uvjeti za korištenje licence za obavljanje kurirskih usluga“ je dodatni dokument/prilog RJEŠENJA/LICENCE koji reguliše pravni odnos između nadležnog organa koji izdaje RJEŠENJE/LICENCU i nosioca licence. Ugovorni organ je smatrao da je ovjerom RJEŠENJA/LICENCE kod nadležnog organa ispunjen zahtjev iz tenderske dokumentacije, te smatra da je navod žalitelja neosnovan.

U sljedećem navodu žalbe žalitelj JP BH POŠTA d.o.o. Sarajevo navodi da ponuđač DHL International d.o.o. Sarajevo na strani 9 od 36 nije popunio sadržaj ponude u skladu sa tačkom 15 tenderske dokumentacije „ponuda mora sadržavati dokumente najmanje:od 1 do 13. Ponude ponuđača će biti odbačene u slučaju da ne dostave tražene dokumente ili ih dostave na nepotpun i nepropisan način“.

Ugovorni organ smatra:

Ponuđač DHL International Sarajevo je dostavio sve dokumente tražene tačkom 15. tenderske dokumentacije, „Ponuda mora sadržavati najmanje“, kako je određeno tenderskom dokumentacijom i članom 58 Zakona. Ponuđač u sadržaju ponude je naveo dokumente koje dostavlja ne navodeći priloge koji su sastavni dio tenderske dokumentacije i formira ih Ugovorni organ, a koje ponuđač potpisuje i ovjerava. Ugovorni organ smatra da je dostavljanjem svih dokumenata traženih tenderskom dokumentacijom i navođenjem dodatnih dokumenata koje ponuđač dostavlja, a koji su također zahtijevani tenderskom dokumentacijom ispunjen uslov iz tačke 15. Tenderske dokumentacije.

Žalitelj dalje navodi da na strani 18 od 36 i 19 od 36 su dostavljene nepopunjene izjave koje se odnose na broj obavještenja o nabavci i datum objave na portalu javnih nabavki kako je traženo

tenderskom dokumentacijom pod tačkom 13 „ponuđač je u ponudi dužan dostaviti IZJAVU popunjenu i ovjerenu kod nadležnog organa“.

Shodno navedenom Ugovorni organ smatra da ponuđač DHL International d.o.o. nije napisao broj obavještenja o javnoj nabavci u izjavi ali se iz teksta izjave jasno i nedvosmisleno može utvrditi da se izjava odnosi na predmetni postupak javne nabavke, te Ugovorni organ smatra da propust pisanja broja obavještenja na izjavi ne bi bitno uticao na tok postupka, obzirom da su izjave na strani 18 od 36 i 19 od 36 potpisane i ovjerene na propisan način, a u samom tekstu je navedeno na koji postupak se Izjave odnose.

U dostavljenoj žalbi žalitelj JP BH POŠTA d.o.o. Sarajevo navodi da ponuđač DHL International Sarajevo d.o.o. u svojoj ponudi na strani 29 od 36 i 32 od 36 nije popunio član 2. Okvirnog sporazuma i član 2 nacrtu Ugovora kako je traženo tenderskom dokumentacijom pod tačkom 28 „Ponuđači su dužni uz ponudu dostaviti potpisan i ovjeren Nacrt okvirnog sporazuma u koji su unijeli podatke iz svoje ponude, te parafirati sve listove Nacrta okvirnog sporazuma“. Ponovnim pregledom ponuda Ugovorni organ je utvrdio da ponuđač DHL International d.o.o. Sarajevo nije ispravno popunio Nacrt Okvirnog sporazuma, član 2. koji se odnosi na cijenu usluge, strana 29. od 36. Obzirom da je bitan element ponude cijena usluge koja mora biti navedena u Nacrtu Okvirnog sporazuma, Ugovorni organ smatra da je žalba žalitelja po ovom navodu osnovana. Ponuđač DHL International d.o.o. Sarajevo nije ispunio uslov tražen pod tačkom 28. tenderske dokumentacije.

Shodno navedenom, prema utvrđenom kriteriju najniže cijene sastavljena je rang lista prihvatljivih ponuda počevši od najpovoljnije kako slijedi:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	JP BH POŠTA d.o.o. Sarajevo, Obala Kulina bana 8, 71000 Sarajevo	0,00 KM	6.540,00 bez PDV-a Popust 0,00 KM 6.540,00 PDV-om PDV=0,00KM 6.540,00 KM PDV-om
1.	HRVATSKA POŠTA d.o.o. Mostar, Tvrtka Miloša bb, 88000 Mostar	2.466,20 KM	12.331,00 bez PDV-a Popust:2.466,20 KM 9.864,80 KM sa popustom bez PDV-om PDV= 0,00KM 9.864,80KM sa popustom i PDV-om

Iz navedenih razloga, primjenom člana 64 stav 1. tačka (b) Zakona o javnim nabavkama, člana 70 stav 1.3.i 6. i skladu sa članom 100. Stav (3) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

**Rektor**

**Prof. dr. Rifat Škrijelj**



**Dostaviti:**

1. DHL International d.o.o. Sarajevo, Džemala Bijedića 166A
2. HRVATSKA POŠTA d.o.o. Mostar, Tvrtka Miloša bb, 88000 Mostar
3. JP BH POŠTA d.o.o. Sarajevo, Obala Kulina bana 8, 71000 Sarajevo
4. IN TIME d.o.o. Sarajevo, Braće Baljić 1A, 71000 Sarajevo
5. u dosije javnih nabavki
6. web stranica unsa.ba
7. a/a